

摘藻堂四庫全書薈要

經部

欽定四庫全書薈要

經部

儀禮鄭註句讀卷六

七

詳校官編修臣程嘉謨



欽定四庫全書薈要卷二千五十一

經部

儀禮鄭註句讀卷六

濟陽張爾岐撰

燕禮第六

鄭目錄云諸侯無事若卿大夫有勤勞之功與羣臣燕飲以樂之燕禮於五禮屬嘉

禮

大戴第十二小戴及別錄皆第六

疏曰案上下

經註燕有四等目錄云諸侯無事而燕一也卿大夫

有王事之勞二也卿大夫有聘而來還

與之燕三也四方聘客與之燕四也

燕禮小臣戒與者

小臣相君燕飲之法戒與者謂留羣臣也君以燕禮勞使臣若臣有功故

與羣臣樂之小臣則警戒告語焉飲酒以合會為歡也自此至公升就席皆燕初戒備之事有戒與設具有

納諸臣立於其位有命大夫為賓有請命執役有納賓凡五節疏云周禮太僕職云王燕飲則相其法小臣職云凡大事佐太僕則王燕飲太僕相小臣佐之此諸侯禮降于天子故宜使小臣相下文小臣師一人在東堂下師長也諸侯小臣之長猶天子之有太僕正君之服位者也膳宰具官饌于寢東

膳宰

天子曰膳夫掌君飲食膳羞者也具官饌具其官之所饌謂酒也牲也脯醢也寢路寢樂人縣

鍾縣

磬也國君無故不撤設洗篚于阼階東南當東雷壘水縣言縣者為燕新之

在東篚在洗西南肆設膳篚在其北西面

設此不言其官賤也當東

雷者人君為殿屋也亦南北以堂深肆陳也膳篚者君象觚所饌也亦南陳言西面尊之異其文疏云漢時

殿屋四向流水故舉漢以司宮尊于東楹之西兩方壺况周言東雷明亦有西雷



左玄酒南上公尊瓦大兩有豐幕用綌若錫在尊南南

上尊士旅食于門西兩圜壺

司宮天子曰小宰聽酒人  
之成要者也尊方壺為卿

大夫士也臣道直方於東楹之西予君尊此酒也玉藻  
曰唯君面尊玄酒在南順君之面也瓦大有虞氏之尊  
也禮器曰君尊瓦甒豐形似豆卑而大甒用綌若錫冬  
夏異也在尊南在方壺之南也尊士旅食者用圜壺變  
於卿大夫也旅衆也士衆食謂未得正祿所謂庶人在  
官者也今文錫為綌諸侯之司宮與天子之小宰所  
掌同公席阼階上西向尊在東楹之西南北並列尊面  
向君設之與鄉飲酒賓主共之者不同故註云予君尊  
此酒也在尊南註云在方壺之南謂瓦大在方壺南疏  
以為其甒未是南上亦玄酒在左也圜壺無玄酒大  
音泰綌去逆反錫悉歷反  
音圓甒亡甫反綌悉歷反

司宮筵賓于戶西東上無

加席也

筵席也。席用蒲筵，緇布純，無加。席，燕私禮。臣屈也。諸侯之官無司几筵也。諸侯燕官使司宮

設尊竝設席

純

射人告具

告事具於君。射人主此禮，以其或射也。周禮射人

之閏反。又章允反。掌三公孤卿大夫之位，又以射法治射儀。

# 右告戒設具

小臣設公席于阼階上，西鄉設加席。公升，即位于席西。

鄉周禮諸侯昨席莞筵紛純，加纁席畫純。後設公席者，凡禮卑者先。即事尊者後也。註引周禮司几筵文

昨音義如酢。酢，席祭祀受酢之席也。引小臣納卿大夫之者，欲見燕席與酢席同。莞，音官。

卿大夫皆入門，右北面。東上，士立于西方，東面北上，祝

史立于門東北面東上小臣師一人在東堂下南面士

旅食者立于門西東上

納者以公命引而入也自士以下從而入即位耳師長也小臣

之長一人猶天子大僕正君之服位者也凡入門而右由闈東左則由闈西疏云卿大夫入門右北面東上此是擬君揖位君爾之始就庭位士立于西方東面北上此士之定位士賤不待君揖即就定位也又云註凡入門而右由闈東者臣朝君之法公降立于阼階之東左則由闈西者聘賓入門之法

南南鄉爾卿卿西面北上爾大夫大夫皆少進

爾近也移也揖

而移之近之也大

夫猶北面少前

右君臣各就位次

射人請賓

命當由君出也君南面射人北面

疏云其公曰命某為賓

某

大

也夫射人命賓賓少進禮辭

命賓者東面南顧禮辭辭不敏也

反命

射人以賓

之辭告於君

又命之賓再拜稽首許諾

復又射人反命

告賓

賓

出立于門外東面

當更以賓禮入

公揖卿大夫乃升就席

揖之入之

也

## 右命賓

小臣自阼階下北面請執冪者與羞膳者

執冪者執瓦大之冪也方

圓壺無冪羞膳羞於公謂庶羞

乃命執冪者執冪者升自西階立于尊

南北面東上

以公命於西階前命之也東上玄酒之冪為上也羞膳者從而東由堂東升自北階

房中西面南上不言膳宰請羞于諸公卿者  
小臣不請而使膳宰

於卑者彌畧也禮以異為敬

### 右請命執役者

射人納賓

射人為擯者也今文曰擯者

賓入及庭公降一等揖之

及至

也至庭謂既入而左北面時

公升就席

以其將與主人為禮不參之也

### 右納賓

賓升自西階主人亦升自西階賓右北面至再拜賓答

再拜

主人宰夫也宰夫太宰之屬掌賓客之獻飲食者也其位在洗北西面君於其臣雖為賓不親獻以

其尊

莫敢伉禮也至再拜者拜賓來至也天子膳夫為

獻主

主人亦升自西階者代君為獻主不敢由阼階

也自此

至以虛爵降奠于篚主人獻賓賓酢主人主人

獻公

主人受公酢主人酬賓二人媵觶于公公取媵觶

酬賓

遂旅酬凡七節

主人降洗洗南西北面

賓將從賓

此初燕之盛禮也

降階西東面主人辭降賓對對主人北面盥坐取觚洗

賓少進辭洗主人坐奠觚于篚興對賓反位

對

主人北面盥坐取觚洗

賓少進辭洗主人坐奠觚于篚興對賓反位

賓少進者又辭宜違

其位也獻不以爵辟正主也古文觚皆為觶

凡觴

主

一升曰爵二升曰觚三升曰觶四升曰角五升曰散

人卒洗賓揖乃升

人卒洗賓揖乃升

賓每先升尊也

主人升賓拜洗主人賓右奠

觚答拜降盥

主人復盥為拜手  
坩步困反

賓降主人辭賓對卒

盥賓揖升主人升坐取觚

取觚將就  
瓦大酌膳

執冪者舉冪主人

酌膳執冪者反冪

君物曰膳膳之言善  
也酌君尊者尊賓也

主人筵前獻賓

賓西階上拜筵前受爵反位主人賓右拜送爵

賓既拜  
前受觚

退復

膳宰薦脯醢賓升筵膳宰設折俎

折俎牲體骨也  
鄉飲酒記曰賓

俎脊脅肩肺  
飲酒記明此亦同也

引鄉

賓坐左執爵右祭脯醢奠爵于薦

右興取肺坐絕祭臠之興加于俎坐挽手執爵遂祭酒

興席末坐啐酒降席坐奠爵拜告旨執爵興主人答拜

降席席西也旨美也疏云降席坐奠爵拜鄭云降席  
席西不言面案前例降席席西拜者皆南面拜訖則告

旨賓西階上北面坐卒爵興坐奠爵遂拜主人答拜遂

拜既  
爵也

## 右主人獻賓

賓以虛爵降

將酢主人

主人降賓洗南坐奠觚少進辭降主

人東面對

上既言爵矣復言觚者嫌易之也大射禮曰主人西階西東面少進對今文從此以下觚

皆為爵

賓坐取觚奠于篚下盥洗

篚下

主人辭洗

謙也今

賓坐奠觚于篚興對卒洗及階揖升主人升拜洗如賓



禮賓降盥主人降賓辭降卒盥揖升酌膳執冪如初以

酢主人于西階上主人北面拜受爵賓主人之左拜送

爵賓既南面授爵乃之左主人坐祭不啐酒辟正主也未薦者臣

酒唯不告旨賓獻訖即薦脯醢此主人是不拜酒不告

臣故酢時不薦至獻大夫後乃薦于洗北旨主人遂卒爵興坐奠爵拜執爵興賓答拜主人不崇

酒以虛爵降奠于篚崇充也不以酒惡謝賓甘美君物也

### 右賓酢主人

賓降立于西階西既受獻矣不敢安盛射人升賓賓升立于序內

東面

東西牆謂之序大射禮曰擯者以命升賓

主人盥洗象觚升實之東北

面獻于公

象觚觚有象骨飾也取象觚者東面

公拜受爵主人降自西階

阼階下北面拜送爵士薦脯醢膳宰設折俎升自西階

薦進也大射禮曰宰胥薦脯醢由左房

疏云凡此篇

內公應先拜者皆後拜之尊公故也此公先拜受爵者受獻禮重也又云引大射禮者證此脯醢從左房來天子諸侯有左右房故言左房大夫士無右房故言東房

公祭如賓禮膳宰贊授肺不拜酒立卒爵坐奠爵拜執

爵興

凡異者君尊變於賓也

主人答拜升受爵以降奠于膳篚

右主人獻公

更爵洗升酌膳酒以降酢于阼階下北面坐奠爵再拜

稽首公答再拜

更爵者不敢襲至尊也古文更為受疏云獻君自酢同用觚必更之者不敢

因君之爵主人坐祭遂卒爵再拜稽首公答再拜主人奠爵

于篚

右主人自酢于公

主人盥洗升媵觚于賓酌散西階上坐奠爵拜賓賓降

筵北面答拜

媵送也讀或謂揚揚舉也酌散者酌方壺酒也於膳為散今文媵皆作騰疏云案

賓前受獻訖立于序內以來未有升筵之事且鄉飲酒大射酬前賓皆無逆在席者此言降筵蓋誤媵以證

反散思

主人坐祭遂飲賓辭卒爵拜賓答拜

辭者辭其代君行酒

不立飲也此降於正主酬也

主人降洗賓降主人辭降賓辭洗卒洗

揖升不拜洗

不拜洗酬而禮殺

主人酌膳賓西階上拜

拜者拜其酌已

受爵于筵前反位主人拜送爵賓升席坐祭酒遂奠于

薦東

遂者因坐而奠不北面也奠之者酬不舉也

疏

曰案鄉飲酒鄉射主人酬賓皆主人實觶席前北

面賓始西階上拜此及大射主人始酌膳時賓已西階上拜者以其燕禮大射皆是主人代君勸酒其賓是臣

急承君勸不敢安暇故先拜也

主人降復位賓降筵西東南面立

賓不立于

序內位彌尊也

位彌尊者其禮彌卑記所謂一張一弛者是之類與疏云賓初得獻立序內此酬訖立席西

漸近賓筵是位彌尊酬  
禮漸殺故云禮彌卑也

## 右主人酬賓

小臣自阼階下請媵爵者公命長

命長使選卿大夫之中長幼可使者媵

爵者舉爵于公以為旅酬之端也

小臣作下大夫二人

媵爵

作使也卿為上大夫不使之者為其尊

媵爵者阼階下皆北面再拜

稽首公答再拜

再拜稽首拜君命也

媵爵者立于洗南西面北上

序進盥洗角觶升自西階序進酌散交于楹北降阼階

下皆奠觶再拜稽首執觶興公答再拜

序次第也猶代也楹北西楹之

北也交而相待於西階上既酌右還而反往來以右為上疏云西面北上未盥相待之位序進盥則北面向洗又云二大夫先升者由西楹之北向散尊酌訖右還復由西楹之北向西階上北面相待後升者亦由西楹之北進向尊所酌訖右還而反二人往來相遇于楹之北先酌者待後酌者至乃次第而降故註云交而相待於西階上

媵爵者皆坐祭遂卒觶興坐奠觶再拜稽首執觶

興公答再拜媵爵者執觶待于洗南

待命君也

小臣請致者

請使一人與二人與優君也或皆致或一人致取君進止

若君命皆致則序進奠

觶于篚阼階下皆再拜稽首公答再拜媵爵者洗象觶

升實之序進坐奠于薦南北上降阼階下皆再拜稽首

送觶公答再拜

序進往來由尊北交於東楹之北奠于薦南不敢必君舉也大射禮曰媵爵者

皆退反位

疏云前二人酌酒降自西階故交於西楹

之北此酌酒奠於君所故交於東楹之北先酌者東面酌訖由尊北又楹北往君所奠訖右還而反後酌者亦於尊北又於楹北與反者相交先者於南西過後者於北東行奠訖亦右還而反相隨降自西階凡奠爵將舉者於右今媵爵於公為將舉旅當奠薦右而奠於薦左是不敢必君之舉也引大射禮者見此二人阼階下拜訖亦反門右北面位也

右二人媵爵於公

公坐取大夫所媵觶興以酬賓賓降西階下再拜稽首

公命小臣辭賓升成拜

興以酬賓就其階而酬之也升成拜復再拜稽首也先時君辭

之於禮若未成然

公坐奠觶答再拜執觶興立卒觶賓下拜小

臣辭賓升再拜稽首

不言成拜者為拜故下實未拜也下不輒拜禮殺也此賓拜於君之

左不言之者不敢敵偶於君

公坐奠觶答再拜執觶興賓進受虛爵

降奠于篚易觶洗

君尊不酌故也凡爵不相襲者於尊者言更自敵以下言易更作新易有

故之辭進受虛爵尊君也不言公酬賓於西階上及公反位者亦尊君室其文也愚謂易猶更也不敢襲用君爵尊君也註於更易二義太生分別疏家援證雖多亦未見確據公有命則不易不洗

反升酌膳觶下拜小臣辭賓升再拜稽首

下拜下亦未拜凡下未拜

有二或禮殺或君親辭君親辭則聞命即升升乃拜是以不言成拜

公答再拜

拜於阼階上也於是



賓請旅  
侍臣

賓以旅酬於西階上

旅序也以次序勸卿大夫飲酒射人作大

夫長升受旅

言作大夫則卿存矣長者尊先而卑後卿稱上大夫旅三卿徧次至五大夫賓

大夫之右坐奠觶拜執觶興大夫答拜

賓在右者相飲之位疏云賓

在西階上酬卿賓與卿並北面賓在東卿在西是賓賓

坐祭立飲卒觶不拜

酬而禮殺對酢之時坐卒爵拜既爵是禮盛也

若膳觶

也則降更觶洗升實散大夫拜受賓拜送

言更觶卿尊也膳觶本

非臣所可襲以君命故得一用至酌他人則必更矣註釋更字義亦未可信

大夫辯受酬如

受賓酬之禮不祭卒受者以虛觶降奠于篚

卒猶後也大射禮曰

奠于篚復位今文辨皆作徧 辨受酬皆拜受拜送但  
賓初酬有坐祭後酬者則不祭為異云大夫辨受酬不  
及於士也註引大射禮奠  
觶復位復門右北面之位

# 右公舉媵爵酬賓遂旅酬初燕盛禮成

主人洗升實散獻卿于西階上

酬而後獻卿別尊卑也  
飲酒成於酬也成於

酬謂成於旅酬自此至降奠于篚主人獻卿又二大夫  
媵解於公公又舉媵酬賓若長遂旅酬凡三節此獻卿  
而酬燕禮司宮蕪卷重席設于賓左東上言蕪卷則每  
之稍殺也

司宮蕪卷重席設于賓左東上

言蕪卷則每  
卿異席也重

席重蒲筵緇布純也卿坐東上統於君也席自房來  
重席但一種席重設之故註云重蒲筵緇布純也加席  
則於席上設異席如公食大夫記云司宮具几與蒲筵  
常緇布純加荏席尋玄帛純是也

卷居遠反重直容

反卿升拜受觚主人拜送觚卿辭重席司宮徹之

徹猶去也

重席雖非加猶為其重累去之辟君也以君有加乃席兩重此雖蒲筵一種重設嫌其兩重與君同也

薦脯醢卿升席坐左執爵右祭脯醢遂祭酒不啐酒降

席西階上北面坐卒爵興坐奠爵拜執爵興主人答拜

受爵卿降復位

不酢辟君也卿無俎者燕主於羞獻公主人酢于阼階下此不酢者嫌與獻

公同也辯獻卿主人以虛爵降奠于篚今文無射人乃升

卿卿皆升就席若有諸公則先卿獻之如獻卿之禮

諸公

者謂大國之孤也孤一人言諸者容牧有三監鄭司農註典命云上公得置孤卿一人後鄭從之是孤卿本

一人也王制云天子使其大夫為三監監於方伯之國  
國三人是方伯之國或有三公故云諸公也疏又云立  
三監是殷法周使伯佐牧不置監其有監者因殷不改者也故鄭云容容有異代之法也席于阼階  
西北面東上無加席席孤北面為其大尊屈之也亦因阼階西位近君近君則屈親寵苟  
敬私昵之生

# 右主人獻卿或獻孤

小臣又請媵爵者二大夫媵爵如初又復二大夫媵爵自阼階下皆北

面再拜稽首至執觶待于洗請致者若命長致則媵爵南皆與前二人媵爵者同也

者奠觶于篚一人待于洗南長致致者阼階下再拜稽

首公答再拜

命長致者公或時未能舉自優暇也前  
媵爵云若命皆致此媵爵云若命長致皆

不定之辭非謂前必二人後  
必一人也欲互見其儀耳

洗象觶升實之坐奠于薦

南降與立于洗南者二人皆再拜稽首送觶公答再拜

奠于薦南者於公所用酬賓觶之處二人俱拜以其共  
勸君 前二人媵觶奠二觶於薦南公取上觶為賓舉  
旅下觶仍在今又媵一觶奠于薦南  
知其用在公所用酬賓觶之空處也

右再請二大夫媵觶

公又行一爵若賓若長唯公所酬

一爵先媵者之下觶  
也若賓若長則賓禮

殺矣長公卿之尊者也賓  
則以酬長長則以酬賓

以旅于西階上如初大夫卒

受者以虛觶降奠于篚

疏曰言如初者一  
如上為賓舉旅之節

右公又行爵為卿舉旅燕禮之再成

主人洗升獻大夫于西階上大夫升拜受觶主人拜送

觶大夫坐祭立卒爵不拜既爵主人受爵大夫降復位

既盡也不拜之者禮又殺前獻卿不酢已是禮殺今

獻大夫不但酢又不拜既爵故云禮又殺自此下至

樂正告公主人獻大夫未及旅而樂作獻工後乃舉旅

旅已奏笙間歌合樂爵樂更作以成三旅禮又殺而樂

大備所以致胥薦主人于洗北西面脯醢無胥胥膳宰

和樂之情也

主人大夫之下先大夫薦之尊之也不於上者上無其

位也胥俎實此主人是宰夫代君為獻主君在阼階

上則已不得干正主之位而薦之堂  
下故註云上無其位也 胥之承反 辯獻大夫遂薦之

繼賓以西東上

徧獻之乃薦略賤也亦獻而后布席也

卒射人乃升大夫

大夫皆升就席

右主人獻大夫兼有胥薦主人之事

席工于西階上少東樂正先升北面立于其西

工瞽矇歌諷誦

詩者也凡執技藝者稱工少牢饋食禮曰皇尸命工祝樂記師乙曰乙賤工也樂正于天子樂師也凡樂掌其序事樂成則告備 小臣納工工四人二瑟小臣左何瑟面鼓執

越內弦右手相入升自西階北面東上坐小臣坐授瑟

乃降

工四人者燕禮輕從大夫制也面鼓者燕尚樂可鼓者在前也越瑟下孔也內弦弦為主也相扶工

也後二人徒相天子太僕二人也小臣

四人祭僕六人御僕十二人皆同官

工歌鹿鳴四牡

皇皇者華

三者皆小雅篇也鹿鳴君與臣下及四方之賓宴講道修政之樂歌也此采其已有旨酒

以召嘉賓嘉賓既來示我以善道又樂嘉賓有孔昭之明德可則倣也四牡君勞使臣之來樂歌也此采其勤苦王事念將父母懷歸傷悲忠孝之至以勞賓也皇皇者華君遣使臣之樂歌也此采其更是勞苦自以為不及欲諮謀於賢知而以自光明也

右升歌

卒歌主人洗升獻工工不興左瑟一人拜受爵主人西



階上拜送爵

工歌乃獻之賤者先就事也左瑟便其右一人工之長者也工拜於席

薦脯

醢

輒薦之變於大夫也此獻一人即薦禮尚異

大夫徧獻乃薦使人相祭使

扶

工者相其祭薦祭酒

卒爵不拜

賤不備禮

主人受爵

將復獻衆工也

衆工不拜

受爵坐祭遂卒爵辯有脯醢不祭主人受爵降奠于篚

遂猶因也古文

曰卒爵不拜

右獻工

公又舉奠觶唯公所賜以旅于西階上如初言

又賜者君又彌尊賓

長彌卑

奠觶賡爵者奠於薦南之觶也公舉之

為大夫旅酬也如初如為賓為卿舉旅之節也

右公三舉旅以成獻大夫之禮

卒

旅畢也

笙入立于縣中奏南陔白華華黍

以笙播此三篇之詩縣中

縣中央也鄉飲酒禮曰磬南北面奏南陔白華華黍皆小雅篇也今亡其義未聞昔周之興也周公制禮作樂采時世之詩以為樂歌所以通情相風切也其有此篇明矣後世衰微幽厲尤甚禮樂之書稍稍廢棄孔子曰吾自衛反魯然後樂正雅頌各得其所謂當時在者而復重襍亂者也惡能存其亡者乎且正考父校商之名頌十二篇于周大師歸以祀其先王至孔子二百年之間五篇而已此其信也諸侯軒縣故笙入奏縣中軒縣止闕南面

右奏笙

主人洗升獻笙于西階上一人拜盡階不升堂受爵降  
主人拜送爵階前坐祭立卒爵不拜既爵升授主人一  
笙之長者也鄉射禮  
曰笙一人拜于下 衆笙不拜受爵降坐祭立卒爵辯  
有脯醢不祭

## 右獻笙

乃間歌魚麗笙由庚歌南有嘉魚笙崇丘歌南山有臺

笙由儀

間代也謂一歌則一吹也六者皆小雅篇也魚麗言太平年豐物多也此采其物多酒旨所以

優賓也南有嘉魚言太平君子有酒樂與賢者共之也此采其能以禮下賢者賢者纍蔓而歸之與之宴樂也

南山有臺言太平之治以賢者為本也此采其愛友賢者為邦家之基民之父母既欲其身之壽考又欲其名德之長也由庚崇丘遂歌鄉樂周南關雎葛覃卷耳召由儀今亡其義未聞

南鵲巢采蘋采蘋

周南召南國風篇也王后國君夫人房中之樂歌也關雎言后妃之德葛

覃言后妃之職卷耳言后妃之志鵲巢言國君夫人之德采蘋言國君夫人不失職也采蘋言卿大夫之妻能修其法度也昔太王王季居於岐山之陽躬行召南之教以興王業及文王而行周南之教以受命大雅云刑于寡妻至于兄弟以御于家邦謂此也其始一國爾文王作邑于豐以故地為卿士之采地乃分為二國周周公所食也召召公所食也於時文王三分天下有其二德化被于西土是以其詩有仁賢之風者屬之召南焉有聖人之風者屬之周南焉夫婦之道者生民之本王政之端此六篇者其教之原也故國君與其臣下及四

方之賓燕用之合樂也鄉樂者風也小雅為諸侯之樂  
大雅頌為天子之樂鄉飲酒升歌小雅禮盛者可以進  
取燕合鄉樂者禮輕者可以逮下也春秋傳曰肆夏繁  
遏渠天子所以享元侯也文王大明緜兩君相見之樂  
也然則諸侯之相與燕升歌大雅合小雅也天子與次  
國小國之君燕亦如之與大國之君燕升歌頌合大雅  
其笙間之篇未聞鄉樂者大夫士所用之樂也鄉飲  
酒禮云合樂周南召南謂歌與衆聲俱作此歌鄉樂當  
亦然

大師告于樂正曰正歌備

大師上工也掌合陰陽之聲教六師以六律為

之音者也子貢問師乙曰吾聞聲歌各有宜也如賜者  
宜何歌也是明其掌而知之也正歌者升歌及笙各三  
終間歌三終合樂三終為一備備亦成也樂正由楹內  
六師周禮磬鍾笙鐃鞀等六師也

東楹之東告于公乃降復位

言由楹內者以其立于堂廉也復位位在東縣之北

初樂正與工俱在堂廉今告樂備復降在東縣北北面也

# 右歌笙間作遂合鄉樂而告樂備

射人自阼階下請立司正公許射人遂為司正

君許其請因命

用為司正君三舉爵樂備作矣將留賓飲酒更立司正以監之察儀法也射人俱相禮其事同自此至無算

樂皆坐燕盡歡之事既立司正安賓次主人獻士及旅食次或射以樂賓次賓賡觶于公為士舉旅酬次主人

獻庶子以下諸臣乃行無算司正洗角觶南面坐奠于爵無算樂凡六節而燕禮備

中庭升東楹之東受命西階上北面命卿大夫君曰以

我安卿大夫皆對曰諾敢不安

洗奠角觶于中庭明其事以自表威儀多也君

意殷勤欲留賓飲酒命卿大夫以我故安或亦其實不主意於賓也

司正述君之言以命卿大夫我者君自

我也言我欲留賓當司正降自西階南面坐取觶升酌為我安坐以留之也

散降南面坐奠觶右還北面少立坐取觶興坐不祭卒

觶奠之興再拜稽首

右還將適觶南先西面也必從觶西為君之在東也少立者自嚴正

慎其位也左還南面坐取觶洗南面反奠于其所

反奠虛觶不空位也

司正奠觶取觶皆南面明將監堂下酒儀也北面拜者明監酒出君命也

升自西階東楹

之東請徹俎降公許告于賓賓北面取俎以出膳宰徹

公俎降自阼階以東

膳宰降自阼階以賓親徹若君親徹然

卿大夫皆降

東面北上

以待將坐降  
待賓反也

賓反入及卿大夫皆說屨升就席

公以賓及卿大夫皆坐乃安

凡燕坐必說屨屨賤不在  
堂也禮者尚敬敬多則不

親燕安坐相  
親之心也

羞庶羞

謂腍肝腎狗臠醢也骨體所以致  
敬也庶羞所以盡愛也敬之愛之

厚賢大夫祭薦

燕乃祭薦不敢  
於盛成禮也

司正升受命皆命君曰

無不醉賓及卿大夫皆興對曰諾敢不醉皆反坐

皆命  
者命

賓命卿大夫也起對必  
降席司正退立西序端

右立司正命安賓

主人洗升獻士于西階上士長升拜受解主人拜送解



獻士用觶士賤也今文觶作觥士坐祭立飲不拜既爵其他不拜坐祭

立飲

他謂衆士也亦升受爵不拜

乃薦司正與射人一人司士一人

執冪二人立于觶南東上

天子射人司士皆下大夫二人諸侯則上士其人數亦如

之司正為上

疏云此等皆士而先薦者以其皆有事

故先薦司士掌羣士爵祿廢置之事士中之尊故亦先

薦又云士位在西有事者別在觶南北面東上也四者皆士意亦于此時獻之而後薦

辯獻士士

既獻者立于東方西面北上乃薦士

每已獻而即位于東方蓋尊之畢獻

薦於其位

疏云庭中之位卿東方西面大夫北面士

西方東面是東方尊今卿大夫得獻升堂位空士得獻

即東方卿位是尊之也

祝史小臣師亦就其位而薦之

次士獻之已不變位

位自在東方上設位之時祝史在門東小臣在東堂下是在東方也主人就旅食之尊

而獻之旅食不拜受爵坐祭立飲北面酌南鄉獻於尊南不洗者以其賤畧

之也亦畢獻乃薦之主  
人執虛爵奠于甕復位

### 右主人辯獻士及旅食

若射則大射正為司射如鄉射之禮大射正射人之長者如鄉射之禮

者燕為樂卿大夫宜從其禮也如者如其告弓矢既具

至退中與算也納射器而張侯其告請先於君乃以命

賓及卿大夫其為司正者亦為司馬君與賓為耦鄉射

記曰自君射至龍旌亦其異者也薦旅食乃射者是燕

射主於飲酒經云若射不定之辭或射或否唯君所

命若不射則主人獻旅食後賓即媵觶舉酬註云薦旅

食乃射是燕射主於飲酒以大射  
主於射未為大夫舉旅即射也

# 右因燕而射以樂賓

賓降洗升媵觚于公酌散下拜公降一等小臣辭賓升

再拜稽首公答再拜

此當言媵觚酬之禮皆用解言觚者字之誤也古者觚字或作角旁

氏由此誤爾  
氏觚依註音解

陸賓坐祭卒爵再拜稽首公答再拜賓

降洗象觶升酌膳坐奠于薦南降拜小臣辭賓升成拜

公答再拜賓反位

反位反席也今文曰洗象觶

公坐取賓所媵觶興

唯公所賜

至此又言興者明公崇禮不倦也今文解又為觶

受者如初受酬之

禮

如其自賓降至進受虛爵也

降更爵洗升酌膳下拜小臣辭升成

拜公答拜乃就席坐行之

坐行之若今坐相勸酒

有執爵者

士有盟升

主酌授之者

前三舉旅皆酬者

唯受于公者拜

公所賜者

自酌授人至此乃有代酌授之者

也其餘司正命執爵者爵辯卒受者興以酬士

欲令惠均前

則否

三舉旅皆止於大夫今為士舉旅故命之相旅固司正職也執爵者爵辯卒受者興以酬士即其命之之辭

大夫卒受者以爵興西階上酬士士升大夫奠爵拜士

答拜

興酬士者士立堂下無坐位

大夫立卒爵不拜實之士拜受大

夫拜送士旅于西階上辯

祝史小臣旅食皆及焉

士旅酌

旅序也士以次

序自酌相酬  
卒  
無執爵者

右賓媵解于公公為士舉旅酬

主人洗升自西階獻庶子于阼階上如獻士之禮辯降  
洗遂獻左右正與內小臣皆于阼階上如獻庶子之禮

庶子掌正六牲之體及舞位使國子修德學道世子之  
官也而與膳宰樂正聯事樂正亦教國子以舞左右正  
謂樂正僕人正也小樂正立于西縣之北僕人正僕人  
師僕人士立于其北北上大樂正立于東縣之北若射  
則僕人正僕人士陪于工後內小臣奄人掌君陰事陰  
令后夫人之官也皆獻于阼階上別於外內臣也獻正  
下及內小臣則磬人鍾人鐃人鼓人僕人之屬盡獻可  
知也凡獻皆薦也諸侯之庶子即天子之諸子皆世

子之官也左右正據庭中之位而言大樂正在東縣北故曰左正僕人正在西縣北故曰右正別於外內臣者在鄉遂采地者為外臣在朝廷者為內臣庶子以下皆人君近習故云別于外內臣也

右主人獻庶子以下于阼階

無算爵

算數也爵行無次無數唯意所勸醉而止

士也有執膳爵者有執散

爵者執膳爵者酌以進公公不拜受執散爵者酌以之

公命所賜所賜者興受爵降席下奠爵再拜稽首公答

拜席下席西也古文曰公答再拜

疏云旅酬以前受拜者禮殺故也又云

賓與卿大夫席皆南面統於君皆以東為上故知席下為席西也

受賜爵者以爵就席

坐公卒爵然後飲

不敢先虛爵明此勸惠從尊者來也

執贍爵者受公爵

酌反奠之

宴歡在於飲酒成其意

受賜爵者興授執散爵執散爵

者乃酌行之

予其所勸者坐而勸坐而受

唯受爵于公者拜卒受爵

者興以酬士于西階上士升大夫不拜乃飲實爵

乃猶而也

此實爵當是大夫自酌與之不使人代

士不拜受爵大夫就席士旅酌亦

如之

亦旅於階上而不拜也

公有命徹冪則卿大夫皆降西階下

北面東上再拜稽首公命小臣辭公答再拜大夫皆辟

命徹冪者公意殷勤必盡酒也小臣辭不升成拜明雖醉正臣禮也不言賓賓彌臣也君答拜於上示不虛受

也遂升反坐士終旅於上如初

卿大夫降而爵止於其反席卒之士方酌旅

以卿大夫降而遂止及其拜訖反席士復終旅於西階上

無算樂

升歌間合無數也取歡而已其樂章

然亦

右燕末無算爵無算樂

宵則庶子執燭於阼階上司宮執燭於西階上甸人執

大燭於庭閤人為大燭於門外

宵夜也燭焦也甸人掌共薪蒸者庭大燭為位

廣也閤人門人也為作也作大燭以俟賓客出

賓醉北面坐取其薦脯以降

取

重得君賜

奏陔

陔陔夏樂章也賓出奏陔夏為行節也凡夏以鍾鼓奏之

賓所執脯以



賜鍾人於門內雷遂出

必賜鍾人鍾人掌以鍾鼓奏九夏今奏陔以節已用賜脯以報

之明雖醉不忘禮古文賜作錫

卿大夫皆出

隨賓出也

公不送

賓禮訖是臣也

## 右燕畢賓出

公與客燕

謂四方之使者燕使卿大夫就館

此下言國君將與異國臣

節與燕本國諸臣同唯戒賓為異故於禮末見之

曰寡君有不腆之酒以請吾

子之與寡君須臾焉使某也以請

君使人戒客辭也禮使人各以其爵寡鮮

也猶言少德謙也腆善也上介出請入告古文腆皆作殄今文皆曰不腆酒無之

對曰寡君君

之私也君無所辱賜于使臣臣敢辭

上介出答主國使者辭也私謂獨受

恩厚也君無所為辱賜於使臣謙寡君固曰不腆使某不敢當也敢者怖懼用勢決之辭

固以請寡君君之私也君無所辱賜于使臣臣敢固辭

重傳命固如故使者重傳寡君固曰不腆使某固以命戒客客重使上介致辭

請某固辭不得命敢不從許之也於是出見主國使者辭以見許為得命今文無使

某使者三致命曰寡君使某有不腆之酒以請吾子請而客許之

之與寡君須臾焉親相見致命君貺寡君多矣又辱賜于君命辭也

使臣臣敢拜賜命貺賜也猶愛也敢拜賜命從使者拜君之賜命猶謙不必辭也

記

燕朝服於寢

朝服者諸侯與其羣臣日視朝之服也謂冠立端緇帶素鞞白屨也燕於路寢相親

昵也今辟雍十月行此燕禮

玄冠而衣皮弁服與禮異也

其牲狗也

狗取擇人也明非其人不與為禮也

亨于門外東方

亨于門外臣所掌也

若與四方之賓燕則公迎之于大門內揖讓升

四方之賓謂來

聘者也自戒至於拜至皆如公食亦告饌具而後公即席小臣請執冪請羞者乃迎賓也告饌具請執冪等

又公食所無

賓為苟敬席于阼階之西北面有胥不躋肺不

啐酒其介為賓

苟且也假也主國君饗時親進醴于賓今燕又且獻焉人臣不敢褻煩尊者至

此升堂而辭讓欲以臣禮燕為恭敬也於是席之如獻諸公之位言苟敬者賓實主國所宜敬也胥折俎也不

齊啐似若尊者然也介門西北面西上公降迎上介以  
為賓揖讓升如初禮主人獻賓獻公既獻苟敬乃媵觚  
羣臣即位如燕也苟敬者坐近君側而簡  
於禮儀疑於苟矣實則敬之故立以為名  
無膳尊無

膳爵

降尊以就卑也  
國之賓故不自殊異也  
欲敬異

與卿燕則大夫為賓與大夫燕亦大夫為賓

不以所與  
燕者為賓

者燕為序歡心賓主敬也公父文伯飲南宮敬叔酒以  
路堵父為客此之謂也君但以大夫為賓者大夫卑雖  
尊之猶遠于君今文無則下無  
燕此謂與已臣子燕法也

羞膳者與執冪者皆士也

尊君也膳  
宰卑於士

羞卿者小膳宰也

膳宰之佐也  
辨其人故記者指言之

以經不

若以樂納賓則賓及庭奏肆夏賓拜酒主人答拜而樂

闕公拜受爵而奏肆夏公卒爵主人升受爵以下而樂

闕肆夏樂章也今亡以鍾鐃播之鼓磬應之所謂金奏也記曰入門而縣興示易以敬也卿大夫有王事之

勞則奏此樂焉

闕苦穴反

升歌鹿鳴下管新宮笙入三成

新宮小雅逸篇

也管之入三成謂三終也

遂合鄉樂

鄉樂周南召南六篇言遂者不間也

若舞則勺

勺頌

篇告成大武之樂歌也其詩曰於鑠王師遵養時晦又曰實維爾公允師既合鄉樂萬舞而奏之所以美王侯

勸有功也

升歌不盡鹿鳴以下三篇而但歌鹿鳴下

管不奏南陔白華華黍而管新宮不用間歌笙入三終

而遂合鄉樂又或為之舞而歌勺以為節皆與常燕異

初既以樂納之及作正樂又有此異節以其有王事之

勞故特異之  
也 勺音灼

唯公與賓有俎

主於燕其餘  
可以無俎

獻公曰臣敢奏爵以聽命

授公釋此辭不敢必受之  
謂主人獻公及賓媵爵皆釋

辭此

凡公所辭皆栗階

栗蹙也謂越等急趨君命也  
辭者辭其拜下命之升也

凡栗階

不過二等

其始升猶聚足連步越二等左右足各一發  
而升堂疏云栗階不過二等據上等而言

故鄭云其始升猶聚足連步也聚足謂前足躡一等後  
足從之併連步謂足相隨不相過即聚足也至近上二

等左右足各一

發而升堂也

凡公所酬既拜請旅侍臣

既拜謂自酌升拜時也擯者昨階下告于公還西階下告

公許旅行也請行酒于羣臣必請者不專惠也

賓受公虛爵自酌升拜公答拜於是時請之

凡薦與羞者小膳宰也

謂於卿大夫以下也上特言羞卿者小膳宰欲絕於賓羞賓者

亦士

有內羞

謂羞豆之實酺食糝食羞籩之食糗餌粉飧酺以支反糝素感反餌音二飧才私反

君與射則為下射袒朱襦樂作而后就物君尊小臣以巾

授矢稍屬

君尊不措矢一矢復授一矢

發不以樂志

辟不敏也以樂為節也不

既發則小臣受弓以授弓人

俟復發也不使大射正燕射輕

上射退于

物一筭既發則答君而俟

筭工但反又弓老反

若飲

君燕則夾爵

謂君在不勝之黨賓飲之如燕媵觚則又

又自飲也君在大夫射則肉袒

不纁襦厭於君鄉射大夫與士射則袒纁襦厭一涉

反

若與四方之賓燕媵爵曰臣受賜矣臣請贊執爵者

受賜

謂公鄉者酌之至燕主人事賓之禮殺賓降洗升媵解于公答恩惠也

禮殺相者對曰吾子無自辱焉

辭之也對答也亦告公以公命答之也

有房中之樂

弦歌周南召南之詩而不用鍾磬之節也謂之房中者后夫人之所諷誦以事其君



子疏云承上文與四方之賓燕乃有之  
愚謂常燕有無算樂恐亦未必不有也

儀禮鄭註句讀卷六

欽定四庫全書薈要卷二千五十二

經部

儀禮鄭註句讀卷七

濟陽張爾岐撰

大射儀第七

鄭目錄云名曰大射者諸侯將有祭祀之事與其羣臣射以觀其禮數中者得

與於祭不數中者不得與于祭射義于五禮屬嘉禮大戴此第十三小戴及別錄皆第七

大射之儀君有命戒射

將有祭祀之事當射宰告于君君乃命之言君有命政教宜由

尊者自此至羹定皆射前戒備之事

宰戒百官有事

戒諸官

張射侯設樂縣陳燕具凡四節

于射者

宰于天子冢宰治官卿也作大事則掌以君命戒于百官諸侯無冢宰立司徒以兼之此言

宰即司徒也其掌誓戒百官與天子冢宰同

射人戒諸公卿大夫射司士戒

士射與贊者

射人掌以射法治射儀司士掌國中之士治凡其戒令皆司馬之屬也殊戒公卿大

夫與士辨貴賤也贊佐也謂士佐執事不射者上  
文宰承君命既總戒之此射人司士又分別戒之也

## 右戒百官

前射三日宰夫戒宰及司馬射人宿視滌

宰夫冢宰之屬掌百官之

徵令者司馬于天子政官之卿凡大射則合其六耦滌謂溉器掃除射宮前者宰已戒百官至此宰夫又以

射期將至來告于宰上下交飭也又及司馬者此日量道張侯司馬職也射人宿視滌掃除濯溉又在前射三

日之前一夕故云宿

司馬命量人量侯道與所設之以狸步大侯

九十參七十千五十設之各去其侯西十北十

量人司馬之屬

掌量道巷塗數者侯謂所射布也尊者射之以威不寧  
侯卑者射之以求為侯量侯道謂去堂遠近也容謂之  
之所以為獲者之禦矢狸之伺物每舉足者止視遠近  
為發必中也是以量侯道取象焉鄉射記曰侯道五十  
弓考工記曰弓之下制六尺則此狸步六尺明矣大侯  
熊侯謂之大者與天子熊侯同參讀為糝糝雜也雜侯  
者豹鵠而麋飾下天子大夫也干讀為紆紆侯者紆鵠  
紆飾也大夫將祭于已射麋侯士無臣祭不射三侯  
皆以布為之而以皮為鵠旁又飾以皮王大夫射用虎侯  
熊侯豹侯畿內諸侯二侯以熊侯為首畿外諸侯得用  
三侯熊侯糝侯紆侯以熊侯同于天子故云大侯三侯  
共道遞近以二十步為率尊者射遠卑者射近侯遠則  
鵠大侯近則鵠小參依註音  
遂命量人巾車張三侯  
糝素感反干依註音紆五旦反

大侯之崇見鵠于參參見鵠于干干不及地武不繫左

下綱設之西十北十凡之用革

中車于天子宗伯之屬掌裝衣車者亦使張侯

侯中類崇高也高必見鵠鵠所射之主射義曰為人君者以為君鵠為人臣者以為臣鵠為人父者以為父鵠為人子者以為子鵠言射中此乃能任已位也鵠之言較較直也射者所以直已志或曰鵠鳥名射之難中中之為俊是以所射于侯取名也淮南子曰鵠知來然則所云正者正也亦鳥名齊魯之間名題肩為正正鵠皆鳥之捷黠者考工記曰梓人為侯廣與崇方參分其廣而鵠居一焉則大侯之鵠方六尺繆侯之鵠方四尺六寸大半寸紆侯之鵠方三尺二寸少半寸及至也武迹也中人之足長尺二寸以紆侯計之繆侯去地一丈五寸少半寸大侯去地二丈二尺五寸少半寸凡侯北面西方謂之左前射三日張侯設之欲使有事者豫志

馬 大侯之鵠見參侯之上參侯之鵠見干侯之上干  
侯下網則去地一尺二寸此三侯高下之法也註知三  
侯之鵠廣狹之數者以侯之廣狹取則于侯道之遠近  
每弓取二寸九十弓者十八尺七十弓者十四尺五十  
弓者十尺每侯之鵠又各取其侯三分之一故推知之  
也設之西十北十西與北各去侯六丈也云凡乏三侯  
各有  
乏也

右前射三日戒宰視滌量道張侯

樂人宿縣于阼階東笙磬西面其南笙鐘其南鐃皆南

陳

笙猶生也東為陽中萬物以生春秋傳曰大簇所以  
金奏贊陽出滯姑洗所以修絜百物考神納賓是以

東方鐘磬謂之笙皆編而縣之周禮曰凡縣鐘磬半為  
堵全為肆有鐘有磬為全鐃如鐘而大奏樂以鼓鐃為

節諸侯軒縣三面各有一肆此其東一肆也笙建鼓  
磬笙鐘先儒以為聲與笙協應故名笙鑄音博

在阼階西南鼓應鼙在其東南鼓

建猶樹也以木貫而載之樹之跗也南鼓

謂所伐面也應鼙應朔鼙也先擊朔鼙應鼙應之鼙小鼓也在東便其先擊小後擊大也鼓不在東縣南為君也此鼓本在東縣之南與磬鐘鑄共為一肆移來在此者鄭以為為君以君在阼階上近君設之故云為君也下建鼓言一此不言一因移並言之西階之西頌磬東面其南鐘其南

鑄皆南陳一建鼓在其南東鼓朔鼙在其北

言成功曰頌西為陰

中萬物之所成春秋傳曰夷則所以詠歌九則平民無忒無射所以宣布哲人之令德示民軌義是以西方鐘磬謂之頌朔始也奏樂先擊西鼙樂為賓所由來也鐘不言頌鼙不言東鼓義同省文也古文頌為庸此西



一肆也。頌鐘頌磬先儒以為歌一建鼓在西階之東南。頌則奏之故名頌。頌音容。

面言面者國君于其羣臣備三面耳。無鐘磬有鼓而已。其為諸侯則軒縣三面皆縣北面合有一肆。

以其與羣臣射故闕之以辟射位。猶設一建鼓者姑備三面耳。故言南面與笙磬頌磬同例而與上文建鼓之

自東縣移來。蕩在建鼓之間。蕩竹也。謂笙簫。鼓倚于頌者異文也。之屬倚于堂。

磬西紘。紘如鼓而小有柄。賓至搖之以奏樂也。紘編磬。也。設鼓在磬西倚于紘也。王制曰天子賜諸

侯樂則以祝將之賜伯子男。樂則以鼓將之。紘音宏。

## 右射前一日設樂縣

厥明司宮尊于東楹之西兩方壺膳尊兩甌在南有豐

罍用錫若絺綴諸箭蓋罍加勺又反之皆玄尊酒在北

勝尊君尊也後陳之尊之也豐以承尊也說者以為若井鹿盧其為字從豆曲聲近似豆大而卑矣罍覆尊中也錫細布也絺細葛也箭篠也為罍蓋卷辟綴于篠橫之也又反之為覆勺也皆玄尊二者皆有玄酒之尊重本也酒在北尊統于君南為上也唯君面尊言專惠也今文錫或作錫絺或作綌古文箭作晉諸侯將射先行燕禮故此下皆陳燕具綴諸箭者綴錫若絺于箭而張之以覆也蓋罍加勺又反之此覆尊之法勺加罍上復擦罍之垂尊士旅食于西鑄之南北面兩圓壺

旅眾也士

眾食未得正祿謂庶人在官又尊于大侯之左東北兩

者圓壺變于方也賤無玄酒

壺獻酒為隸僕人中車穆侯舒侯之獲者獻讀為沙沙酒濁特沛之必摩沙者也兩壺皆沙酒郊特牲

曰汁獻洗于醖酒服不之尊俟時而陳于南統于侯皆

東面註引郊特牲以証沙酒之義洗涕也涕沙酒者

和以醖酒而摩挲之以出鬱鬯之汁也以其祭侯故用

鬱鬯設服不之尊在飲不勝者以後故註云俟時明此

尊不為服不氏設也獻素設洗于阼階東南壘水在

何反涕子禮反洗始銳反

何反

東籬在洗西南陳設膳籬在其北西面

或言南陳或言西面異其文也

又設洗于獲者之尊西北水在洗北籬在南東陳

亦統于侯

也無爵因服不也有籬為奠虛爵也服不之洗亦俟時

而陳于其南此籬中不設爵將因獻服不之爵而用

之小臣設公席于阼階上西鄉司宮設賓席于戶西南

面有加席卿席賓東東上小卿賓西東上大夫繼而東

上若有東面者則北上席工于西階之東東上諸公阼

階西北面東上

唯賓及公席布之也其餘樹之于位後耳小卿命于其君者也席于賓西射禮

辨貴賤也諸公大國有孤卿一官饌

百官各饌其羹定

人與君論道亦不典職如公矣

烹肉熟也射義曰諸侯之射也必先行燕禮燕禮牲用狗

右射曰陳燕具席位

射人告具于公公升即位于席西鄉小臣師納諸公卿大夫諸公卿大夫皆入門右北面東上士西方東面北上大吏在干侯之東北北面東上士旅食者在士南北

面東上小臣師從者在東堂下南面西上

大史在干侯東北士旅食

者在士南為有侯故入庭深也小臣師正之位也正相君出入君之大命自此至南面反奠于其所北面立

皆將射先燕之事公命賓納賓以來主人獻賓賓酢主人主人獻公主人受公酢主人酬賓二人舉觶公取觶酬賓遂旅酬主人獻卿二人再舉觶公為卿舉旅酬主人獻大夫二人奏樂凡十二節皆與燕禮同容有小異

主于射故也

公降立于阼階之東南南鄉小臣師詔揖諸公

卿大夫諸公卿大夫西面北上揖大夫大夫皆少進

詔告

也變爾言揖亦以其入庭深也上言大夫誤衍耳

大射正擯

大射正射人之長

擯者請

賓公曰命某為賓

某大夫名

擯者命賓賓少進禮辭

命賓者東西南

顧辭辭以不敏

反命

以賓之辭告于君

又命之賓再拜稽首受命

又復

擯

者反命賓出立于門外北面公揖卿大夫升就席小臣

自阼階下北面請執冪者與羞膳者

請士可使執君兩瓶之冪及羞脯醢

庶羞于君者方圓壺獻無冪

乃命執冪者執冪者升自西階立于尊

南北面東上

命者于西階前以公命命之東上執玄尊之冪為上羞膳者從而東由堂東升自北

階立于房中西面南上膳宰請羞于諸公卿者

膳宰請者異于

也君擯者納賓賓及庭公降一等揖賓賓辟

及至也辟遂適不敢當盛

公升即席

以賓將與主人為禮不參之

# 右命賓納賓

奏肆夏

肆夏樂章名今亡呂叔玉云肆夏時邁也時邁者太平巡守祭山川之樂歌其詩曰明昭有周

式序在位又曰我求懿德肆于時夏奏此以延賓升自賓其著宣王德勸賢與周禮曰賓出入奏肆夏

西階主人從之賓右北面至再拜賓答再拜

主人宰夫也又掌賓

客之獻飲食君于臣雖為賓不親獻以其莫敢亢禮

主人降洗洗南西北面

賓將從降

鄉之不予洗

賓降階西東面主人辭降賓對

對主人北

面盥坐取觚洗賓少進辭洗主人坐奠觚于篚興對賓

反位

賓少進者所辭異宜違其位也獻不用爵辟正主

主人卒洗賓揖乃升

每賓

先升主人升賓拜洗主人賓右奠觚答拜降盥賓降主

人辭降賓對卒盥賓揖升主人升坐取觚取觚將就瓦甔酌膳執

冪者舉冪主人酌膳執冪者蓋冪酌者加勺又反之反之

覆筵前獻賓賓西階上拜受爵于筵前反位主人賓右

拜送爵賓既拜于筵前受爵退復位宰胥薦脯醢宰胥宰官之吏也不使膳宰薦不主

于飲酒變于燕賓升筵庶子設折俎庶子司馬之屬掌正六牲之體者也鄉射記曰賓俎

脊脅肩肺不使膳宰設俎為射變于燕賓坐左執觚右祭脯醢奠爵于薦

右興取肺坐絕祭臠之興加于俎坐抗手執爵遂祭酒



興席末坐啐酒降席坐奠爵拜告旨執爵興主人答拜

降席席西也旨美也

樂闋

闋止也樂止者尊賓之禮盛于上也唯盛得有樂也燕禮記云賓及庭而奏

肆夏賓拜酒主人答拜而樂闋亦謂啐酒告旨時此燕已臣子法郊特牲云賓入大門而奏肆夏卒爵而樂闋彼燕朝聘之賓法也賓西階上北面坐卒爵興坐奠爵拜執爵興

主人答拜

右主人獻賓

賓以虛爵降

既卒爵將酢也

主人降賓洗南西北面坐奠觚少

進辭降主人西階西東面少進對賓坐取觚奠于篚下

盥洗

籩下  
籩南

主人辭洗賓坐奠觚于籩興對卒洗及階揖

升主人升拜洗如賓禮賓降盥主人降賓辭降卒盥揖

升酌膳執幂如初以酢主人于西階上主人北面拜受

爵賓主人之左拜送爵

賓南面授爵乃于左  
拜凡授爵鄉所受者

主人坐祭

不啐酒

辟正主也未  
薦者臣也

不拜酒

主人之義燕禮曰  
不拜酒不告旨

遂卒爵

興坐奠爵拜執爵興賓答拜主人不崇酒以虛爵降奠

于籩

不崇酒辟正君也崇充  
也謂謝酒惡相充實

賓降立于西階西東面

既受

獻矣不  
敢安盛

擯者以命升賓賓立于西序東面

命公命也  
東西牆謂

之序

# 右賓酢主人

主人盥洗象觚升酌膳東北面獻于公

象觚觚有象骨飾也取象觚東

面不言實之變于燕

公拜受爵乃奏肆夏

言乃者其節異于賓賓及庭奏君受爵乃奏

也主人降自西階阼階下北面拜送爵宰胥薦脯醢由

左房庶子設折俎升自西階

自由也左房東房也人君左右房鄉射記曰主人俎

脊脅臂肺也

公祭如賓禮庶子贊授肺不拜酒立卒爵坐奠

爵拜執爵興

凡異者君尊變于賓

主人答拜樂闋升受爵降奠于

籩

右主人獻公

更爵洗升酌散以降酢于阼階下北面坐奠爵再拜稽

首公答拜

更易也易爵不敢襲至尊古文更為受

主人坐祭遂卒爵興坐

奠爵再拜稽首公答拜主人奠爵于籩

右主人受公酢

主人盥洗升媵觚于賓酌散西階上坐奠爵拜賓西階

上北面答拜

媵送也散方壺之酒也古文媵皆作騰

主人坐祭遂飲賓辭

卒爵興坐奠爵拜執爵興賓答拜

辭者辭其代君行酒不立飲也比于正主

也

主人降洗賓降主人辭降賓辭洗卒洗賓揖升不拜

洗

不拜洗酬而禮殺也

主人酌膳賓西階上拜受爵于筵前反位

主人拜送爵賓升席坐祭酒遂奠于薦東

遊者因坐而奠之不吐面

也莫之者

主人降復位賓降筵西東南面立

賓不立于序內位彌

尊

右主人酬賓

小臣自阼階下請媵爵者公命長

命之使選于長幼之中也卿則尊士則卑

小臣作下大夫二人媵爵

使

媵爵者阼階下皆北面再

拜稽首公答拜

再拜稽首拜君命

媵爵者立于洗南西面北上

序進盥洗角觶升自西階序進酌散交于楹北降適阼

階下皆奠觶再拜稽首執觶興公答拜

序次第也猶代也先者既酌右

還而反與後酌者交于西楹北袒左俟于西階上乃降往來以右為上古文曰降造阼階下

媵爵者

皆坐祭遂卒觶興坐奠觶再拜稽首執觶興公答再拜

媵爵者執觶待于洗南

待待君命

小臣請致者

請君使一人與二人與不

必君命

若命皆致則序進奠觶于篚阼階下皆北面再拜

稽首公答拜媵爵者洗象觶升實之序進坐奠于薦南

北上降適阼階下皆再拜稽首送觶公答拜

既酌而代進注來由

尊北交于東楹北亦相左奠于薦南不敢必君舉

媵爵者皆退反位

反門右北面位

右二人媵觶將為賓舉旅酬

公坐取大夫所媵觶興以酬賓賓降西階下再拜稽首

小臣正辭賓升成拜

公起酬賓于西階降尊以就卑也正長也小臣長辭變于燕升成拜

復再拜稽首先時君辭之于禮若未成然

公坐奠觶答拜執觶興公卒觶賓

下拜小臣正辭賓升再拜稽首

不言成拜者為拜故下實未拜也下不輒拜禮

殺也下亦降也發端言降拜因上事言下拜

公坐奠觶答拜執觶興賓進受虛

觶降奠于篚易觶興洗

賓進以臣道就君受虛爵君不親酌凡爵不相襲者于尊者言

更自敵以下言易更作新易有故之辭也不言公酬賓于西階上及公反位者尊君空其文也公授賓爵即

反公有命則不易不洗反升酌膳下拜小臣正辭賓升

再拜稽首公答拜

不易君義也不洗臣禮也公答拜于阼階上

賓告于擯者

請旅諸臣擯者告于公公許

旅序也賓欲以次序勸諸臣酒

賓以旅大

夫于西階上擯者作大夫長升受旅

作使也使之以長幼之次先賓

大夫之右坐奠觶拜執觶興大夫答拜賓坐祭立卒觶



不拜若膳解也則降更解洗升實散大夫拜受賓拜送遂就席大夫辯受酬如受賓酬之禮不祭酒卒受者以虛解降奠于篚復位

右公取媵解酬賓遂旅酬

主人洗觚升實散獻卿于西階上司宮魚卷重席設于賓左東上卿升拜受觚主人拜送觚卿辭重席司宮徹

之徹猶去也重席雖非加猶為其重累辭之辟君乃薦脯醢卿升席庶子設折

俎卿折俎未聞益用脊脅臠折肺卿有俎者射禮尊卿坐左執爵右祭脯醢奠

爵于薦右興取肺坐絕祭不瘠肺興加于俎坐拱手取

爵遂祭酒執爵興降席西階上北面坐卒爵興坐奠爵

拜執爵興

陳酒有君之惠也不瘠肺亦自貶于君

主人答拜受爵卿降復

位

復西面位不酢辟君

辯獻卿主人以虛爵降奠于篚擯者升卿

卿皆升就席若有諸公則先卿獻之如獻卿之禮席于

阼階西北面東上無加席

公孤也席之北面為大尊屈之也亦因阼階上近君近君

則親寵苟敬私昵之坐

右主人獻卿

小臣又請媵爵者二大夫媵爵如初請致者若命長致

則媵爵者奠觶于篚

命長致者使長者一人致也公或時未能舉自優暇

一人待

于洗南

不致者

長致者阼階下再拜稽首公答拜

再拜稽首拜君

命洗象觶升實之坐奠于薦南降與立于洗南者二人

皆再拜稽首送觶公答拜

奠于薦南先媵者上觶之處也二人皆拜如初共勸君飲

之

右二人再媵觶

公又行一爵若賓若長唯公所賜

一爵先媵者之下觥也若賓若長禮殺也

長孤卿之尊者也于以旅于西階上如初賜賓則以酬

是言賜射禮明尊卑酬賓大夫長升受旅以辯大夫卒受者以虛觶降奠于篚

### 右公又行一觶為卿舉旅

主人洗觶升獻大夫于西階上大夫升拜受觶主人拜

送觶大夫坐祭立卒爵不拜既爵主人受爵大夫降復

位既盡也大夫卒爵胥薦主人于洗北西面脯醢無胾

胾宰官之吏主人下大夫也先大夫薦辯獻大夫遂薦

之尊之也不薦于上辯正主胾俎實繼賓以西東上若有東面者則北上卒擯者升大夫

大夫皆升就席

辯獻乃薦畧賤也亦獻後布席也每獻一人訖降階獻偏擯者乃總升之就

席就席訖乃薦之

### 右主人獻大夫

乃席工于西階上少東小臣納工工六人四瑟

工謂瞽矇善歌

詛誦詩者也六人大師少師各一  
人上工四人四瑟者禮大樂衆也

僕人正徒相大師僕

人師相少師僕人士相上工

徒空手也僕人正僕人之  
長師其佐也士其吏也天

子視瞭相工諸侯兼官是以僕人掌之大師少師工之  
長也凡國之瞽矇正焉杜蒯曰曠也大師也于是分別

工及相者射禮明  
貴賤蒯苦怪反

相者皆左何瑟後首內弦揜越右手

相謂相上工者後首主于射畧于此樂也內弦跨越以

右手相工由便也越瑟下孔所以發越其聲者也古

文後首後者徒相入謂相大師少師者也上列官之尊

為後手凡相者以小樂正從之從此言先後之位亦所以明貴賤

工出入也小樂正于天子樂師也升自

西階北面東上工六坐授瑟乃降相者也降立小樂正

立于西階東不統于工明工雖衆位猶在此燕禮工

六人數衆疑位移近西乃樂正猶立西乃歌鹿鳴三終

鹿鳴小雅篇也人君與臣下及四方之賓燕講道修政

之樂歌也言已有旨酒以召嘉賓與之飲者樂嘉賓之

來示我以善道又樂嘉賓有孔昭之明德可則倣也歌

鹿鳴三終而不歌四牡皇皇者華主于講道畧于勞苦

與詔

主人洗升實爵獻工工不興左瑟

工歌而獻之以事報之也洗爵

獻工辟正主也獻不用觚工賤異之也工不興不能備禮左瑟便其右大師無瑟于是言左瑟者節也

人拜受爵

謂太師也言一人者工賤同之也工拜于席

主人西階上拜送爵

薦脯醢

輒薦之變于大夫

使人相祭

使人相者相其祭薦祭酒

卒爵不拜主

人受虛爵衆工不拜受爵坐祭遂卒爵辯有脯醢不祭

相者相其祭酒而已

主人受爵降奠于篚復位大師及少師上工

皆降立于鼓北羣工陪于後

鼓北西縣之北也言鼓北者與鼓齊面餘長在後也

羣工陪于後三人為列也于是時小樂正亦降立于其南北面工立僕人立于其側坐則在後考工記曰鼓人

為皋陶長六尺有六寸  
鼓北西縣之北也句可疑

註

乃管新宮三終

以管謂吹簫  
新宮

之樂其篇亡其義未聞笙從工而入既管不獻畧下樂  
也立于東縣之中 註立于東縣之中句可疑愚按燕  
禮笙入立于縣中 註云縣中縣中央也鄉飲酒禮曰磬  
南北面疏云諸侯軒縣闕南面而已故得言縣中鄉飲  
酒唯以磬縣而已不得言縣中而云磬南 註引鄉飲酒  
者欲見此雖軒縣近北而縣之南也此經初設樂無北  
面縣但移東縣建鼓在阼階西又設一建鼓在西階東  
正當北面一縣之處蕩在建鼓之間 註云蕩謂笙簫之  
屬倚于堂又與燕禮笙入所立之位同疑設之在此者  
亦奏之于北至此管新宮三終 註乃云立于東縣之中  
不知于經何據若云辟射位射事未至無可辟也且上  
文大師等立于鼓北亦當是此建鼓之北 註以為西縣  
之北不知西縣何以單名為鼓竊疑大師等立此或亦  
以將奏管故臨之非徒立也至下管三終乃相率而東



耳既從工而入工升堂笙即立堂卒管大師及少師上

下亦其宜也姑存此疑以質知者

工皆東坳之東南西面北上坐不言縣北統于堂也于是時大樂正還北面立

于其

南

右作樂娛賓射前燕禮備

擯者自阼階下請立司正

三爵既備上下樂作君將留羣臣而射宜更立司正以監

之察儀法也

公許擯者遂為司正

君許其請因命用之不易之者俱相禮其事同也

司正適洗洗角觶南面坐奠于中庭

奠觶者著其位以顯其事威儀多也

升東楹之東受命于公西階上北面命賓諸公卿大夫

公曰以我安賓諸公卿大夫皆對曰諾敢不安

以我安者君意

殷勤欲留之以我故安也

公曰以我

安即司正命衆之辭言公有命如此也司正降自西階

南面坐取觶升酌散降南面坐奠觶

奠于中庭故處

興右還北

面少立坐取觶興坐不祭卒觶奠之興再拜稽首左還

南面坐取觶洗南面反奠于其所北面立

皆所以自昭明于衆也將

于解南北面則右還于解北南面則左還如是得從解西往來也必從解西往來者為君在阼不肯之也還

音旋後同

右將射立司正安賓察儀

司射適次袒決遂執弓挾乘矢于弓外見鏃于弣右巨

指鈎弦

司射射人也次若今時更衣處張幃席為之耦次在洗東南袒左免衣也決猶闔也以篆骨為

之著右巨指所以鈎弦而闔之遂射耦也以朱韋為之著左臂所以遂弦也方持弦矢曰挾乘矢四矢弣弓把

也見鏃焉順其射也右巨指右手大擘以鈎弦弦在旁挾由便也古文挾皆作接此下方及射事有三耦不

釋獲之射有三耦衆耦釋獲之射有以樂射共三番射亦畧如鄉射之節自此至左右撫之興反位皆言三耦

不釋獲之射司射納器比耦司射自阼階前曰為政請射

為政謂司馬也司馬政官主射禮誘射三耦乃射射已取矢凡四節遂告曰大夫與大

士御於大夫

因告選三耦于君御由侍也大夫與大夫為耦不足則士侍于大夫與為耦也

今文於為于既請射遂適西階前東面右顧命有

司納射器

納內也 有司士佐執事不射者也士在西階南東面故于西階前右顧命之必東面者

君在阼宜射器皆入君之弓矢適東堂賓之弓矢與中

向之也  
籌豐皆止于西堂下衆弓矢不挾總衆弓矢楅皆適次

而俟

中閭中算器也籌筭也豐可奠射爵者衆弓矢三耦及卿大夫以下弓矢也司射矢亦止西堂下衆

弓矢不挾則納公與賓弓矢者挾之楅承矢器今文俟作待

工人士與梓人升自北

階兩楹之間疏數容弓若丹若墨度尺而午射正蒞之

工人士梓人皆司空之屬能正方圓者一從一橫曰卒午謂畫物也射正司射之長左為下物右為上物

畫自北階下司宮埽所畫物自北階下

埽物重射事也  
工人士梓人司

宮位在北堂下  
既畫復  
埽之取畧辨縱橫而已

太史侯于所設中之西東面

以聽政

中未設也太史侯焉將有事也鄉射禮曰設中  
南當福西當西序東面  
中尚未設而云所設

中之西謂其擬設中之地之西也周禮春  
官太史職云凡射事飾中舍算執其禮事

司射西面誓

之曰公射大侯大夫射參士射干射者非其侯中之不

獲卑者與尊者為耦不異侯太史許諾

誓猶告也古文  
異作辭  
侯以

尊卑異同耦則卑者  
得與尊者共侯也

遂比三耦

比選次之也不言面者  
大夫在門右北面士西

方東面  
疏云天子大射賓射六耦三侯畿內諸侯二  
侯四耦畿外諸侯三侯三耦若燕射則天子諸侯同三

耦一侯而已卿大夫

三耦侯于次北西面北上

未知其耦今文

士例同一侯三耦侯為立

但知為三耦未知孰與孰耦也

司射命上射曰某御于子命下射

曰子與某子射卒遂命三耦取弓矢于次

取弓矢不拾者次中隱蔽

處鄉射堂西取矢則拾取拾取更迭而取也

右請射納器誓射比耦

司射入于次搢三挾一个出于次西面揖當階北面揖及階揖升堂揖當物北面揖及物揖由下物少退誘射

搢挾也挾一个挾于弦也个猶故也由下物射三侯將而少退謙也誘猶教也夫子循循然善誘人

乘矢始射干又射參大侯再發

將行也行四矢象有事于四方詩云四矢反兮

以御亂兮

卒射北面揖

揖于當物之處不南面者為不背卿

及階揖降如升射

之儀遂適堂西改取一个挾之

改更也不射而挾矢示有事也

遂取扑

搯之以立于所設中之西南東面

扑所以撻犯教者也于是言立著其位也

鄉射記曰司射之弓矢與扑倚于西階之西

### 右司射誘射

司馬師命負侯者執旗以負侯

司馬師正之佐也欲令射者見侯與旗深志于

侯中也負侯獲者也天子服不氏下士一人徒四人掌以旌居之待獲祈羽為旌

負侯者皆適

侯執旌負侯而俟司射適次作上耦射

作使也

司射反位

上耦出次西面揖進上射在左並行當階北面揖及階

揖上射先升三等下射從之中等

上射在左便射位也中猶間也發位並

行及升上射皆居左屨物南面上射乃在右右物為上也

上射升堂少左下射升上

射揖並行

並併也併東行

皆當其物北面揖及物揖皆左足屨

物還視侯中合足而俟

視侯中各視其侯之中大夫耦則視參中參中十四尺士耦則

視干中干中十尺

司馬正適次袒決遂執弓右挾之出升自西

階適下物立于物間左執附右執簫南揚弓命去侯

司馬



正政官之屬簫弓末揚弓者執下末揚猶舉也適下物由上射後東過也命去侯者將射當獲也鄉射禮曰西

南面立于物間

負侯皆許諾以宮趨直西及之南又諾以商至

之聲止

宮為君商為臣其聲和相生也鄉射禮曰獲者執旌許諾古文聲為聲

授獲者退

立于西方獲者興共而俟

大侯服不氏負侯徒一人居之相代而獲參侯于侯徒負

侯居之不相代鄉射禮曰獲者執旌許諾聲不絕以至

于之坐東面偃旌興而俟古文獲皆作護非也

授獲

者謂以旌授代已而獲之人指大侯也餘二侯則

司馬

正出于下射之南還其後降自西階遂適次釋弓說決

拾襲反位

拾遂也鄉射禮曰司馬反位立于司射之南

司射進與司馬正交

于階前相左由堂下西階之東北面視上射命曰母射

獲母獵獲上射揖司射退反位

射獲矢中乏也從旁為獵司射位在所設中

之西南東面

乃射上射既發挾矢而后下射射拾發以將乘

矢

拾更也將行也

獲者坐而獲

坐言獲也

舉旌以宮偃旌以商

等言獲也

獲而未釋獲

但言獲未釋算古文釋為舍

卒射右挾之北面揖揖如

升射

右挾之右手扶弦

上射降三等下射少右從之中等並行

上射于左與升射者相左交于階前相揖適次釋弓說

決拾襲反位

上射于左由下射階上少右乃降待之言襲者凡射皆袒

三耦卒射亦

如之司射去扑倚于階西適阼階下北面告于公曰三耦卒射反搢扑反位

### 右三耦射

司馬正袒決遂執弓右挾之出與司射交于階前相左

出出于次也袒時亦適次疏曰凡袒襲皆于隱處

升自西階自右物之後立于

物間西南面揖弓命取矢

揖推之

負侯許諾如初去侯皆

執旌以負其侯而侯

侯小臣取矢以旌指教之許諾如初去侯如去侯時之諾以

負侯

官又諾以商也

司馬正降自西階北面命設福

此出于下射之南還其後而降

之小臣師設福司馬正東面以弓為畢

畢所以教助執事者鄉射記曰

乃設福于中庭南當洗東肆

以弓為畢謂以弓指校如載鼎之用畢然引鄉射記文證此設福之處也

既

設福司馬正適次釋弓說決拾襲反位小臣坐委矢于

福北括司馬師坐乘之卒

乘四四數之

若矢不備則司馬正

又袒執弓升命取矢如初曰取矢不索乃復求矢加于

福卒司馬正進坐左右撫之興反位

左右撫分上下射北坐皆北面

右三耦射後取矢射禮第一番竟

司射適西階西倚扑升自西階東面請射于公

倚扑者將即君

前不敢佩刑器也升堂者欲諸公卿大夫辨聞也此  
下言三耦衆耦釋獲之射其在方射時者有命耦有三  
耦取矢于福有三耦再射釋獲有公與賓射有卿大夫  
士皆射凡五節其在射以後者有取矢有數獲有飲不  
勝者有獻服不及隸僕巾車獲者有  
獻釋獲者亦五節射之第二番也公許遂適西階上

命賓御于公諸公卿則以耦告于上大夫則降即位而

後告

告諸公卿于堂上尊之也

司射自西階上北面告于大夫曰請

降司射先降搢扑反位大夫從之降適次立于三耦之

南西面北上

適次由次前而北西面立疏曰上云司射等適次謂入次中此適次大夫降自西

階東行適次所過向堂東西面司射東面于大夫之西  
立因過次為適次非入次也

比耦大夫與大夫命上射曰某御于子命下射曰子與

某子射卒遂比衆耦

衆耦士也

衆耦立于大夫之南西面北

上若有士與大夫為耦則以大夫之耦為上

為上居羣士之上

為上指立位而言

命大夫之耦曰子與某子射告于大夫曰某

御于子

士雖為上射其辭猶尊大夫

命衆耦如命三耦之辭諸公卿

皆未降

言未降者見其志在射

右將射命耦

遂命三耦各與其耦拾取矢皆袒決遂執弓右挾之

此命

入次之事也司射既命而反位不言之者上射出當作取矢事未訖一耦出西面揖當福

北面揖及福揖

三耦同入次其出也一上射出西面立司射作之乃揖行也當福福正南之東

西上射東面下射西面上射揖進坐橫弓卻手自弓下

取一个兼諸附興順羽且左還母周反面揖

橫弓者南踣弓也卻

手自弓下取矢者以左手在弓表右手從裏取之便也兼并也并矢于附當順羽既又當執弦順羽者手放而下備不整理也左還反其位母周右還而反東面也君在阼還周則下射將背之古文且為阻踣步北反

下射進坐橫弓覆手自弓上取一个兼諸附興順羽且

左還母周反面揖

橫弓亦南踣弓也人東西鄉以南北為橫覆手自弓上取矢以左手在弓

裏右手從表取之便也

既拾取矢梱之

梱齊等之也古文梱作魁梱疑當作梱孟子注梱

猶叩掾也叩掾有取齊之義若梱則門概耳

兼挾乘矢皆內還南面揖

內還者上

射左下射右不皆左還亦以君在阼嫌下射故左還適而背之也上以陽為內下以陰為內因其宜可也

福南皆左還北面揖搯三挾一个

福南鄉當福之位也

揖以耦左

還上射于左

以猶與也言以者耦之事成于此意相人耦也上射轉居左便其反位也上射少北

乃東面

退者與進者相左相揖退釋弓矢于次說決拾襲

反位二耦拾取矢亦如之後者遂取誘射之矢兼乘矢

而取之以授有司于次中皆襲反位

有司納射器因留主授受之三耦



反位反次北西  
面北上之位

### 右三耦拾取矢于福

司射作射如初一耦揖升如初司馬命去侯負侯許諾  
如初司馬降釋弓反位司射猶挾一个去扑與司馬交

于階前適阼階下北面請釋獲于公

猶守故之辭于此言之者司射既誘

射恒執弓挾矢以掌射事備尚未知當教之也今

公許

反搯扑遂命釋獲者設中以弓為畢北面

北面立于所設中之南當

視之也鄉射禮曰設中南當福西當西序

大史釋獲小臣師執中先首坐設

之東面退大史實八筭于中橫委其餘于中西興共而

俟

先猶前也命大史而小臣師設之國君官多也小臣師退反東堂下位鄉射禮曰橫委其餘于中西南末

中形為伏獸竄其背以置獲籌執之司射西面命曰

則前其首設之則東其面面首一也

中離維網揚觸捆復公則釋獲衆則不與

離猶過也獵也侯有上下

網其和制躬舌之角者為維或曰維當為絹絹網耳揚觸者謂矢中他物揚而觸侯也捆復謂矢至侯不著而

還復復反也公則釋獲優君也唯公所中中三侯皆獲

值中一侯釋獲者命小史小史命獲者

傳告服不使知此司射所命

則釋獲

司射遂進由堂下北面視上射命曰不貫不釋上射揖

司射退反位

貫猶中也射不中鵠不釋算古文貫作闕

釋獲者坐取中之八

算改實八算興執而俟

執所取算

乃射若中則釋獲者每一

个釋一算上射于右下射于左若有餘算則反委之

委餘

奠禮貴異

又取中之八算改實八算于中興執而俟三耦卒

射

右三耦再射釋獲

賓降取弓矢于堂西

不敢與君並俟告取之以升俟君事畢

君待告乃取弓矢

諸

公卿則適次繼三耦以南

言繼三耦明在大夫北適次亦過次前至堂東三耦

此

之南西公將射則司馬師命負侯皆執其旌以負其侯面立也

而俟

君尊若始焉

司馬師反位隸僕人埽侯道

新

司射去扑

適阼階下告射于公公許適西階東告于賓

告當射也今文曰阼

階下無適

遂搯扑反位小射正一人取公之決拾于東玷上

一小射正授弓拂弓皆以俟于東堂

授弓當授大射正拂弓去塵

公

將射則賓降適堂西袒決遂執弓搯三挾一个升自西

階先待于物北北一筈東面立

不敢與君併筈矢

司馬

升命去侯如初還右乃降釋弓反位

還右還君之右也猶出下射之南還

其後也今文曰右還

公就物小射正奉決拾以筭大射正執弓皆

以從于物

筭崔葦器大射正舍司正親其職大射正初為擯者後自擯者立為司正至此又舍司

正來執弓也

小射正坐奠筭于物南遂拂以巾取決興贊設

決朱極三

極猶放也所以韜指利放弦也以朱韋為之三者食指將指無名指無極放弦契于此指

多則痛小指短不用

小臣正贊袒公袒朱襦卒袒小臣正退俟于

東堂小射正又坐取拾興贊設拾以筭退奠于坵上復

位

既袒乃設拾拾當以韞襦上

大射正執弓以袂順左右隈上再下

壹左執附右執簫以授公公親操之

順放之也隈弓淵也操宛之觀其安

危也今文順為循古文操為紐隈烏回反操而九反小臣師以巾內拂矢而授

矢于公稍屬

內拂恐塵及君也稍屬不措矢稍屬者發一矢乃復授一矢接續而授也屬之

玉大射正立于公後以矢行告于公

若中使君當知而改其度下

曰留上曰揚左右曰方

留不至也揚過去也方出旁也

公既發大射正

受弓而俟拾發以將乘矢

公下射也而先發不留尊也

公卒射小臣

師以巾退反位大射正受弓

受弓以授有司于東堂

小射正以筭

受決拾退奠于坫上復位大射正退反司正之位小臣

正贊襲公還而后賓降釋弓于堂西反位于階西東面

階西東面  
賓降位

公即席司正以命升賓賓升復筵而后卿大

夫繼射

右君與賓耦射

諸公卿取弓矢于次中袒決遂執弓搯三挾一个出西

面揖揖如三耦升射卒射降如三耦適次釋弓說決拾

襲反位衆皆繼射釋獲皆如初

諸公卿言取弓矢  
衆言釋獲互言也

卒射

釋獲者遂以所執餘獲適阼階下北面告于公曰左右

卒射

司射不言告者釋獲者于是有事宜終之也  
餘獲餘算也無餘算則無所執古文曰餘算

反位

坐委餘獲于中西興共而俟

右公卿大夫及衆耦皆射

司馬袒執弓升命取矢如初負侯許諾以旌負侯如初

司馬降釋弓如初小臣委矢于楅如初

司馬司馬正于是司馬師亦坐

乘矢賓諸公卿大夫之矢皆異束之以茅卒正坐左右撫

之進束反位

異束大夫矢尊殊之也正司馬正也進前也又言束整結之示親也

賓之矢

則以授矢人于西堂下

是言矢人則納射器之有司各以其器名官職不言君矢小臣

以授矢人于東堂下可知

司馬釋弓反位而后卿大夫升就席

此言其升



前小臣委矢于福方司馬釋弓反位卿大夫即升就  
席是其升在小臣委矢之前以上文類言如初諸事故  
至此始  
特言之

## 右射訖取矢

司射適階西釋弓去扑襲進由中東立于中南北面視

奠

釋弓去扑射事已也

釋獲者東面于中西坐先數右獲

固東面矣復言

之者少南就右獲

二奠為純

純猶全也偶陰陽也

一純以取實于左手十

純則縮而委之

縮從也于數者東西為從古文縮皆作臧

每委異之

易校數

有

餘純則橫諸下

又異之也自近為下

一奠為奇奇則又縮諸純下

又從興自前適左

從中前北也  
更端故起

東面坐

少北

坐兼歛奠

實于左手一純以委十則異之

變于右也

其餘如右獲

謂所縮所

橫者按釋獲者在中西東面而釋獲其右獲之奠在中

南左獲之奠在中北故此數右獲則註云少南就右

獲數左獲則註云從中

前北又云少北于故也

司射復位釋獲者遂進取賢獲

執之由阼階下北面告于公

賢獲勝黨之奠也執之者齊而取其餘

若右

勝則曰右賢于左若左勝則曰左賢于右以純數告若

有奇者亦曰奇

告曰某賢于某若干純若干奇

若左右鈞則左右各執

一奠以告曰左右鈞還復位坐兼歛奠實八奠于中委

其餘于中西興共而俟

右數左右獲算多少

司射命設豐

當飲不勝者射爵

司宮士奉豐由西階升北面坐

設于西楹西降復位勝者之弟子洗觶升酌散南面坐

奠于豐上降反位

弟子其少者也不授者射爵猶罰爵畧之

司射遂袒執弓

挾一个搯扑東面于三耦之西命三耦及衆射者勝者

皆袒決遂執張弓

執張弓言能用之也右手挾弦

不勝者皆襲說決拾

卻左手右加弛弓于其上遂以執弣

固襲說決拾矣復言之者起勝者也

不勝者執弛弓言不能用也兩言執附無所挾也

司射先反位

居前俟所命入次而來飲

三

耦及衆射者皆升飲射爵于西階上

不勝之黨無不飲疏曰大射者所

以擇士以助祭今若在于不勝之黨雖數中亦受罰及其助祭雖飲射爵亦得助祭但在勝黨雖不飲罰爵若不數中亦不得助祭飲罰據一黨而言助祭取一身之藝義固不同也小射正作升飲射

爵者如作射一耦出揖如升射及階勝者先升升堂少

右

先升尊賢也少右辟飲者亦因相飲之禮然獻酬之禮獻者在右也

不勝者進北面

坐取豐上之觶興少退立卒觶進坐奠于豐下興揖

立卒

觶不祭不拜受罰不備禮也右手執觶左手執弓

不勝者先降

後升先降畧之不由次也降而

少右復  
並行

與升飲者相左交于階前相揖適次釋弓襲反

位僕人師繼酌射爵取解實之反奠于豐上退俟于序

端

僕人師酌者君使之代弟子也自此以下辯為之酌

升飲者如初三耦卒飲

若賓諸公卿大夫不勝則不降不執弓耦不升

此耦謂士也諸

公卿或闕士為之耦者不升其諸公卿大夫相為耦者不降席重恥尊也

僕人師洗升實解

以授賓諸公卿大夫受解于席以降適西階上北面立

飲卒解授執爵者反就席

雖尊亦西階上立飲不可以已尊枉正罰也授爵而不奠

豐尊大  
夫也

若飲公則侍射者降洗角觶升酌散降拜

侍射賓也飲君則不敢以

為罰從致爵之禮也

角觶疏以為以兕角為之對下文飲君象觶而言仍是三升之觶非四升曰角之角也

公降一等小臣正辭賓升再拜稽首公答再拜賓坐祭

卒爵再拜稽首公答再拜賓降洗象觶升酌膳以致下

拜小臣正辭升再拜稽首公答再拜公卒觶賓進受觶

降洗散觶升實散下拜小臣正辭升再拜稽首公答再

拜賓復酌自飲者夾爵也但如致爵則無以異于燕也

夾爵亦所以恥公也所謂若飲君燕則夾爵

註末

引鄉射文若云若飲君用燕禮致爵之法其異者夾爵耳

賓坐不祭卒觶降奠于籩

階西東面立

不祭象射爵

擯者以命升賓賓升就席

擯者司正也今

文席為筵

若諸公卿大夫之耦不勝則亦執弛弓持升飲

此耦亦謂士也

時猶獨也以尊為耦而又不勝之獨飲若無倫匹孤賤也

衆皆繼飲射爵如三耦

射爵辯乃徹豐與觶

徹除也

右飲不勝者

司宮尊侯于服不之東北兩獻酒東面南上皆加勺設

洗于尊西北篚在南東肆實一散于篚

為大侯獲者設尊也言尊侯者

獲者之功由侯也不于初設之者不敢必君射也君不射則不獻大侯之獲者散爵名容五升獻素何反

司馬正洗散遂實爵獻服不

言服不者著其官尊大侯也服不司馬之屬掌養猛

獸而教擾之者洗酌皆西面服不即獲者也前此皆言獲者以其事名之至此乃著其官是尊大侯也服

不侯西北三步北面拜受爵

近其所為獻以侯之故則侯是其所為

獻也故近侯而不近之

司馬正西面拜送爵反位

不侯卒爵畧賤也此終言之獻

服不之徒乃反位

此段鄭註可疑當以經文為正服不之徒或在司馬師所獻之中耳

宰夫有司

薦庶子設折俎

宰夫有司宰夫之吏也鄉射記曰獲者之俎折肸膾肺

卒錯獲者

適右个薦俎從之

不言服不言獲者國君大侯服不負侯其徒居之待獲變其文容二人也



司馬正皆獻之薦俎已錯乃適右介明此獻已歸功  
于侯也適右介由侯內鄉射記曰東方謂之右介信  
如註言司馬正並獻二人當用二爵經文明言實一散  
于篚安得有二爵乎司馬正所獻決是服不氏一人其  
徒則司馬師獻隸僕中車後乃獻之服不本下士其獲  
徒庶人在官者故可後也圖解錯音厝介音幹

者左執爵右祭薦俎二手祭酒

祭俎不奠爵不備禮也  
二手祭酒者獲者南面

于俎北當為侯祭于豆間爵反注為一手不能正也此  
薦俎之設如于北面人馬天子祝侯曰唯若寧侯無或  
若女不寧侯不屬于王所故抗而射女彊飲彊食貽適  
女曾孫諸侯百福諸侯以下祝辭未聞祝之又反適

左介祭如右介中亦如之

先祭介後中者以外即之至  
中若神在中鄉射禮曰獻獲

者俎與薦  
皆三祭

卒祭左介之西北三步東面

北鄉受獻之位  
也不北面者嫌

為侯設薦俎立卒爵

不言不拜既爵司馬正已反位不拜可知也鄉射禮曰獲者薦右東

面立飲

司馬師受虛爵洗獻隸僕人與巾車獲者皆如大

侯之禮

隸僕人埽侯道巾車張大侯及參侯干侯之獲者其受獻之禮如服不也隸僕人巾車于服不

之位受之功成于大侯也不言量人者此自後以及先可知

卒司馬師受虛爵奠于

篚

獲者之篚

獲者皆執其薦庶子執俎從之設于少南

少南

為侯射妨旌也隸僕人巾車量人自服不而南

服不復負侯而俟

右獻獲者

司射適階西去扑適堂西釋弓說決拾襲適洗洗觚升

實之降獻釋獲者于其位少南

獻釋獲者與獲者異文武不同也去扑者扑不

升堂也少南辨中

釋獲者太史也少南辨中者獻釋

獲者于其位之南

欲其稍遠乎中與獻獲者近侯有異

也薦脯醢折俎皆有祭

俎與服不同唯祭一為異服不之俎與薦皆有二祭以其祭

侯三處各用其一也

釋獲者薦右東面拜受爵司射北面拜送爵

釋獲者就其薦坐左執爵右祭脯醢興取肺坐祭遂祭

酒

祭俎不奠爵亦賤不備禮

興司射之西北面立卒爵不拜既爵司

射受虛爵奠于篚釋獲者少西辟薦反位

辟薦少西之者為復射妨

司射視算亦辟俎也

司射適堂西袒決遂取弓挾一个適階西搢

射  
卷七  
扑以反位

為將復射

# 右獻釋獲者第二番射事竟

司射倚扑于階西適阼階下北面請射于公如初

不升堂賓

諸公卿大夫既射矣聞之可知此下言第三番射以樂為節之儀射前有諸公卿大夫拾取矢正射不鼓不釋射後三耦及眾射者又拾取矢此三事為異其餘並如釋獲之射

及搯扑適次命三耦

皆袒決遂執弓序出取矢

鼎言拾是言序互言耳

司射先反位

言先

先三耦也司射既命三耦以入次之事即反位三耦入次袒決遂執弓挾矢乃出反次外西面位鼎不言司射無所先也

註挾矢字衍三耦拾取矢如初小射正作

取矢如初

小射正司射之位作取矢禮殺代之

三耦既拾取矢諸公卿大

夫皆降如初位與耦入于次皆袒決遂執弓皆進當福

進坐說矢束上射東面下射西面拾取矢如三耦

皆進當福

進三耦揖之位也凡繼射命耦而已不作射不作取矢

從初降如初位三耦南之位也註繼射謂繼三耦而

射從初謂從三耦之法繼射者皆從耦法故不再命之也

若士與大夫為耦士東面

大夫西面大夫進坐說矢束退反位

說矢束自同于三耦謙也欲與其

耦拾取也耦揖進坐兼取乘矢與順羽且左還毋周反面揖

兼取乘矢不敢與大夫拾大夫進坐亦兼取乘矢如其耦北面措三

挾一个揖進大夫與其耦皆適次釋弓說決拾襲反位

諸公卿升就席

大夫反位諸公卿乃升就席大夫與已上下位諸公卿大夫自為耦者拾取

矢在前大夫與士耦者取矢在後前取矢者待于三耦之南至大夫與耦取矢反位乃與之同升就席以爵同故相衆射者繼拾取矢皆如三耦遂入于次釋弓矢說

決拾襲反位

右將以樂射射者拾取矢

司射猶挾一个以作射如初一耦揖升如初司馬升命去侯負侯許諾司馬降釋弓反位司射與司馬交于階

前倚扑于階西適阼階下北面請以樂于公公許

請奏樂以

為節也始射獲而未釋獲復釋獲復用樂行之君子之于事始取苟能中課有功終用成法教化之漸也射用應樂為難孔子曰射者何以聽循聲而發發而不失正鵠者其唯賢者乎司射反搢扑東面

命樂正曰命用樂

言君有命用樂射也樂正在工南北面疏曰此時工在洗東西面樂正

在工南北面司射在西階下東面經云命樂正者東面遙命之樂正曰諾司射遂適堂

下北面眡上射命曰不鼓不釋

不與鼓節相應不釋奠也鼓亦樂之節學記曰

鼓無當于五聲五聲不得不和凡射之鼓節投壺其上存者也周禮射節天子九諸侯七卿大夫以下五

射揖司射退反位樂正命大師曰奏狸首間若一

樂正西面

受命左還東面命大師以大射之樂章使奏之也。狸首逸詩曾孫也。狸之言不來也。其詩有射諸侯首不朝者之言。因以名篇。後世失之。謂之曾孫。曾孫者其章頭也。射義所載詩曰。曾孫侯氏是也。以為諸侯射節者。采其既有弧矢之威。又言小大莫處。御于君。所以燕以射。則燕則譽有樂。以時會君事之志也。間若一者。調其聲之疏數重節。聲之疏數。必使勻適。如一以射。大師不興。禮所重在于能循此節也。圖解狸里之反。

許諾樂正反位奏。狸首以射三耦。卒射賓待于物如初。公樂作而后就物稍屬。不以樂志。其他如初儀。不以樂志君之

射儀遲速從心。其發不必應樂辟不敏也。志意所擬度也。春秋傳曰。吾志其目。云如初者。皆如上。第二番射。

法唯作樂為異耳。

卒射如初。賓就席。諸公卿大夫衆射者皆繼。



射釋獲如初卒射降反位釋獲者執餘獲進告左右卒射如初

右以樂節射

司馬升命取矢負侯許諾司馬降釋弓反位小臣委矢司馬師乘之皆如初司射釋弓視筭如初釋獲者以賢獲與鈞告如初復位

右樂射後取矢數獲

司射命設豐實觶如初遂命勝者執張弓不勝者執弛

弓升飲如初卒退豐與解如初

右樂射後飲不勝者

司射猶袒決遂左執弓右執一个兼諸弦面鏃適次命拾取矢如初

側持弦矢曰執面猶尚也兼矢于弦尚鏃將止變于射也

司射反位三

耦及諸公卿大夫衆射者皆袒決遂以拾取矢如初矢

不挾亦謂

執之如卿大夫升就席

司射

右樂射後拾取矢

司射適次釋弓說決拾去扑襲反位司馬正命退福解

網小臣師退福巾車量人解左下網司馬師命獲者以

旌與薦俎退

解猶釋也今文司馬師無司馬

司射命釋獲者退中與奠

而俟

諸所退射器皆俟備君後射釋獲者亦退其薦俎

右三番射竟退諸射器將坐燕以終禮

公又舉奠觶唯公所賜若賓若長以旅于西階上如初  
大夫卒受者以虛觶降奠于篚反位

右為大夫舉旅酬

司馬正升自西階東楹之東北面告于公請徹俎公許

射事既畢禮殺人倦宜徹俎燕坐

遂適西階上北面告于賓賓北面取

俎以出諸公卿取俎如賓禮遂出授從者于門外

自其從者

大夫降復位

門東北面位俎以賓公卿皆送俎

疏云大夫降者大夫雖無

復位云門東北面位初小臣納卿大夫門東北面揖位也下文賓諸公卿皆入門東面北上謂在西階下知大夫不在西階下者以其西階下舊無位此云復位故知非西階下也公卿入西階下以將燕亦因從賓此時公卿未入大夫無可從不可獨

庶子正徹公俎降自阼階

以東

降自阼階若親徹也以東去藏

賓諸公卿皆入門東面北上

諸公卿不

入門而右以將  
燕亦因從賓  
司正升賓賓諸公卿大夫皆說屨升就

席公以賓及卿大夫皆坐乃安

舜命以我安臣于君尚  
猶踧踖至此乃敢安

羞庶羞

羞進也庶衆也所進衆羞謂臠肝膾  
狗載醢也或有炮鱉膾鯉雉兔鷄鴛

大夫祭薦

燕乃祭薦不敢于盛成禮  
賓與卿皆于獻時祭薦

司正升受命皆命公曰衆無

不醉賓及諸公卿大夫皆興對曰諾敢不醉皆反位坐

皆命者命賓命諸公命卿大夫皆鄉其位也興對必降  
席敬也司正退立西序端疏云經直云興不言降席

鄭知降席者以為反坐故知降席也知司正退立西序  
端者案司正監酒此時獻士事未訖亦如鄉飲酒監旅

時立于西  
序端也

# 右徹俎安坐

主人洗酌獻士于西階上士長升拜受觶主人拜送

獻士

用解士賤也  
今文解作觶

士坐祭立飲不拜既爵其他不拜坐祭立

飲

其他謂衆士也  
升不拜受爵

乃薦司正與射人于觶南北面東上

司正為上

司正射人士也以齒受獻既乃薦之也司正  
大射正也射人小射正畧其佐疏曰案燕

禮薦司正與射人一人司士一人執罍二人  
此不言其數又不言司士與執罍文不具

辯獻士士

既獻者立于東方西面北上乃薦士

士既獻易位者以  
卿大夫在堂臣位

尊東也畢獻  
薦之畧賤

祝史小臣師亦就其位而薦之

亦者亦士  
也辯獻乃

薦也祝史門東北面東上

主人就士旅食之尊而獻之旅食不拜受

爵坐祭立飲

主人既酌西面士旅食北面受之不洗者于賤畧之也

主人執虛爵

奠于篚復位

右主人獻士及旅食

賓降洗升媵解于公酌散下拜公降一等小臣正辭賓

升再拜稽首公答再拜

賓受公賜多矣禮將終宜勸公序厚意也今文解為觚公答拜

無再拜

賓坐祭卒爵再拜稽首公答再拜賓降洗象觚升

酌膳坐奠于薦南降拜小臣正辭賓升成拜公答拜賓

反位

反位反席也此觚當為解位則有席凡旅酬皆用解故知觚當為解

疏云戶牖之間

公坐

取賓所媵觚興唯公所賜受者如初受酬之禮降更爵

洗升酌膳下再拜稽首小臣正辭升成拜公答拜乃就

席坐行之

坐行之若令坐相勸酒

有執爵者

士有盥升主酌受之

唯受于公

者拜

公所賜者拜其餘則否

司正命執爵者爵辯卒受者興以酬

士

欲令惠均司正以酬士命大夫下文方言酬節此其命之辭也

大夫卒受者以爵

興西階上酬士士升大夫奠爵拜士答拜

興酬士者士立堂下與上

坐者

大夫立卒爵不拜實之士拜受大夫拜送士旅于

異



西階上辨

祝史小臣師旅食皆及焉

士旅酌

旅序也士以次自酌相酬無執爵者

右賓舉爵為士旅酬

若命曰復射則不獻庶子

獻庶子則正禮畢後無事士旅酬後當獻庶子等如下

節所陳若復射則暫止俟射畢乃獻

司射命射唯欲

司射命賓及諸公卿大夫射欲者則射不

欲者則止可否之事從人心也

卿大夫皆降再拜稽首公答拜

拜君樂與臣下

執事無已不言賓壹發中三侯皆獲

其功一也而和者益多尚歡樂也矢

揚觸或有參中者卿大夫主射參侯士主射射侯矢或揚觸容中別侯皆得釋獲禮殺尚歡故優假之也

右坐燕時或復射

主人洗升自西階獻庶子于阼階上如獻士之禮辯獻降洗遂獻左右正與內小臣皆于阼階上如獻庶子之

禮

庶子既掌正六牲之體又正舞位授舞器與膳宰樂正聯事又掌國子戒令教治世子之官也左右正謂

樂正僕人正也位在中庭之左右小樂正在頌磬之北右也工在西即北面工遷于東則東面大樂正在笙磬之北左也工在西則西面工遷于東則北面僕人正相大師工升堂與其師士降立于小樂正之北北上工遷于東則陪其工後國君無故不釋縣二正君之近官也內小臣奄人掌君陰事陰令后夫人之官也獻三官于阼階別內外臣也同獻更洗以時事不聯也獻正下及內小臣則磬人鍾人鐻人鼓人僕人師僕人士盍獻可知也庶子內小臣位在

小臣師之東少退西上

右主人獻庶子等獻禮之終也

無奠爵

奠數也爵行無次數唯意所歡醉而止

士也有執膳爵者有執散

爵者執膳爵者酌以進公公不拜受執散爵者酌以之

公命所賜所賜者興受爵降席下奠爵再拜稽首公答

再拜

席下席西

受賜爵者以爵就席坐公卒爵然後飲

酬之禮爵

代舉今爵並行嫌不代也並行猶代者明勸惠從尊者來執膳爵者受公爵酌反奠

之

燕之歡在飲酒成其意也

受賜者興授執散爵者執散爵者乃酌

行之

興其所歡者

唯受于公者拜卒爵者興以酬士于西階

上士升大夫不拜乃飲實爵

乃猶而也

士不拜受爵大夫就

席士旅酌亦如之

亦如大夫之不拜而飲飲畢遂實爵也

公有命徹冪則

賓及諸公卿大夫皆降西階下北面東上再拜稽首

命徹

冪者公意殷勤欲盡酒

公命小臣正辭公答拜大夫皆辟升反位

升不成拜于將醉正臣禮

士終旅于上如初

卿大夫降而爵止于其反席卒之

無奠

樂

升歌間合無次數唯意所樂一

右燕末盡歡

宵則庶子執燭于阼階上司宮執燭于西階上甸人執

大燭於庭閤人為燭于門外

宵夜也燭燄也旬人掌共薪蒸者庭大燭為其位廣

也為作也作燭侯賓出

賓醉北面坐取其薦脯以降

取脯重得君之賜

奏

咳

咳夏樂章也其歌頌類也以鐘鼓奏之其篇今亡

賓所執脯以賜鐘人于門

內雷遂出

必賜鐘人鐘人以鐘鼓奏咳夏賜之脯明雖醉志禮不忘樂

卿大夫皆出

從賓

公不送

臣也與之安燕交歡嫌亢禮也

公入

驚夏亦樂章也以鐘鼓奏之其詩今

亡此公出而言入者射宮在郊以將還為入燕不驚者于路寢無出入也諸侯大學在郊是其大射之所

驚音

驚

右賓出公入

儀禮鄭註句讀卷七

謹案卷六第七頁後三行拜其酌已刊本已訛也  
據校宋本改

第十四頁後五行且正考父刊本且訛宜據校宋  
本及鄉飲酒禮注改

卷七第三頁後五行此不言一刊本言一訛一言  
今改


第十一頁前八行下不輒拜刊本輒訛就據校宋  
本改

第十七頁前二行張幃席為之刊本張訛帳據校  
宋本改

第二十一頁後二行以弓為畢刊本為訛謂據經  
改

第二十六頁後一行隈烏回反刊本烏訛烏據經  
典釋文改





總校官庶吉士臣侍朝

校對官編修臣朱攸

膳錄監生臣劉復善

膳錄監生臣王元勛